



TUHAGAKHAQ

Nunavut Kavmanga piyaat *Qanukkanniq GN-kut Taiguagakhaq Naunaitkutinganik*

Iqaluit, Nunavut (October 1, 2009) – Hivuliqtiuyuq Eva Aariak ublumi tuniyauyuq *Qanukkanniq GN-kut Taiguagakhaq Naunaitkutinganik*, iluittuq ihivriuqniq Nunavut Kavamamut (qablunaatitut naittumik GN) havaangit aulapkaitjutingillu.

“Apirigiyavut Nunavut kiuyuq. Aullaqtiruyumayunnga quyagilraaqlugit tamaina inuit ilauyut Taiguagakhaq Naunaitkutinganik – naunaitpiaqtumik naunaiqtat uqaqtavut akhuruutauyut iliknut akhuurutauyut, naunaiqturlu akhut piyat naunairiaqni kiutjutautinginnik. Una havaaq ikayurniaqtaatigut pipkaigiami iniqtiqtaptiknik, unalu tikinnahuaqtaptikningillu ihuarhainiqmut hivumuuqtilluta havaquyauyavut, *Tamapta/CL^C: Angikliyuumiqtavut hivunikhavut atauttikkut,*” uqaqtuq Hivuliqtiuyuq Aariak.

Kavamatkut havaktiliqtaat North Sky Quayihaiyiit Katimayiingit (qablunaatitut naittumik NSC) Maymi ihivriuriamiknik inuknullu naunaitpiaqtumik ilihimaliriamiknik hakugikningit ayurhautigiyanginniklu GNkut havaangit aulapkaitjutinginniklu. Avatquumayuq 2,100 Nunavummiut tamainnit 25 nunallaanit ilauyut apirhuutini, katimayunik, ihivriuqninginniklu, amigaituttauq naalaktut naalautikkut hivayaqattarhutik qanuqtut ihumagiyamiknik.

Tamna *GN Taiguagakhaq Naunaitkutinganik* atuqtuq unipkaatut pihimayuq pigiami hunamik tuhaayut ilauyullu 93 atuquyauyut uqariamkni ihumaalutigiyamiknik uqarhimayut. Unalu Taiguagakhaq Naunaitkutinganik, NSC pipkailiqtaa kavamatkut uuminnga *Humik Tuhaayugut* (57nik-makpiraaq naittuq inuit uqaqtamiknik), taiguagakhaq uqautjiutigininnganik piliurhimayuq inmikkut nampanganiklu katitirhmayut (ilitaritjutiqarhuni naunaitkutinganik piiqtauhimayuq taimaa kitup titiraqhimayaanik ilihimannaigiami ilauyup).

Talvanga piliurninnganik tamarmikmut havakvingat qunngiariaquplugik ihumaliurlutiklu qanuqtut ihumagiyamiknik. Aktuupami, maligaliqatigiik katimayiingit katimaniaqtut iniqtiriami Piyakhanginnik Ihumaliurniq kiutjutigiami uqaqtamiknik atuqyanginniklu piliurhimayut Taiguagakhaq Naunaitkutingani.

“Taiguagakhaq Naunaitkutinganik iniquugaluaq, ihumagiugut uqaqatigiikniq Nunavunmiunit Kavamatkunnitlu pilihaaliqtuq,” uqaqtuq Hivuliqtiuyuq Aariak. “Kavamakput akhuuqtuq naalaktunik uqaqtuniklu ihariagiyamiknik niruaqtigiyaptiknit.

Qanurunaqtaililitit hivayainnariaqatqat niruaqtarnik uqaqtakharnik piqaruvit. Taimaatut, akhuuqtugut uqariaptikni qanuqtut piyaqut pitilluta tamarmiknik havaariyavut.”

###

Tuhaqtipkaiyut hivayarlugu:

Emily Woods

Taigualiuqti Titiraqtinga

Havakvinga Hivuliqtiuyuq Eva Aariak

(867) 975-5059